

志

禮

五十六

其五十六

高麗史

三十一







志卷第十七

高麗史六十三

正憲大夫曹判書集賢殿大提學知經筵春秋館事兼成均大司成臣鄭麟趾奉

教修

禮五

言禮小祀

風師雨師雷神靈星

久雨則祭祭國門

風師壇高三尺廣二十三步四出陛燎壇在內壝之外二十步丙地廣五尺戶方二尺開上南出在國城東北今昌門外立春後丑日



祀之祝版稱高麗國王臣王某敢明告牲牢  
豕一 兩師及雷神同壇高三尺四出陸燎  
壇在內壝之外二十步丙地廣五尺方二尺  
開上南出在國城內西南月山立夏後申日  
並祀之祝版稱高麗國王臣王某敢明告牲  
牢豕各一 靈星壇高三尺周八步四尺四  
出陸燎壇在內壝之外二十步丙地廣五尺  
戶方二尺開上南出立秋後辰日祀之祝版  
稱高麗國王臣王某敢明告牲牢豕一 祀



儀前祀三日應行事執事官散齋二日一日  
於正寢一日於本司致齋一日於祀所前祀  
一日郊社令太官令先到祀所郊社令帥其  
屬掃除壇之上下內外積柴於燎壇上太官  
令具牲牢及辨饌具守宮設祀官行事執事  
次於祀所奉禮設祀官以下行事位於壇東  
陛之南西向北上設奉禮位於祀官西南贊  
者在南差退俱西向未後一刻郊社令設神  
位板於壇上北方南向席以莞設祝板於神



座之右加坫上設幣篚於樽坫之所設樽罍  
於壇上東南藉以席設洗於南陛東南北向  
罍在洗東篚在洗西南肆篚實以巾爵太官  
令帥宰人割牲遂烹牲祀日丑前五刻太官  
令入實饌左八簋以右爲上爲三行第一行  
形盞魚鱸第二行榛實棗栗黃第三行鹿  
脯菱仁芡仁右八豆以左爲上爲三行第一  
行芹菹笋菹第二行菁菹韭菹葵菹第三行  
兔醢魚醢鹿醢俎一載牲體簠二在左實以



稻梁簋二在右實以黍稷良醢今入實樽壘  
太樽二著樽二山罍二太樽二一實明水一  
實醴齊著樽二一實明水一實盞齊山罍二  
一實玄酒一實清酒五前七刻祀官各服其  
服就門外位奉禮帥贊者先入就位再拜贊  
引引祝史齋郎入當壇南重行北向西上立  
定奉禮曰再拜贊者承傳祝史以下皆再拜  
訖祝史升自東陞立於樽所謁者引祀官以  
下入就位立定奉禮曰再拜在位者皆再拜



訖謁者引獻官詣洗位齋郎以篚取爵授獻  
官獻官洗爵訖齋郎以篚受爵詣陞授祝史  
祝史受置樽所謁者引獻官升詣神位前北  
向立祝史以幣授獻官獻官受幣北向跪奠  
於神座前俛伏興再拜詣樽所祝史去罍獻  
官酌醴齊詣神位前北向跪奠爵俛伏興祝  
史持祝板詣神座右跪讀祝文訖獻官再拜  
二獻三獻酌盞齊如初儀訖祝史以爵酌福  
酒進獻官之右西向立獻官再拜跪祭酒飲



卒爵祝史受虛爵復於坫獻官俛伏興再拜  
謁者引復位祝史進徹豆興奉禮曰賜祚衆  
官再拜飲福者不拜贊者引獻官就望燎位  
南向立祝史詣神座前取幣祝板齋郎以俎  
載牲體黍稷飯爵酒降壇詣燎壇上燔之火  
燎半柴奉禮曰禮畢謁者贊引各引祀官以  
次出祝史齋郎俱復執事位奉禮曰再拜祝  
史以下皆再拜贊引引出太官令帥其屬收  
徹禮饌乃退 榮祭國門儀前祭三日諸祭



官散齋二日一日於正寢一日於本司致齋  
一日於祭所前祭一日郊社令掃除祭所太  
官丞先具酒脯醢其日質明郊社丞帥其屬  
設神座皆內向設酒樽於神座之左設罍洗  
及篚於酒樽之左俱內向並實以巾爵奉禮  
設獻官位於洗位之左右向執事者於其後  
皆以近神爲上郊社丞與良醢之屬入實酒  
樽太官令監設饌物獻官以下俱就位立定  
謁者贊拜獻官以下皆再拜祝史與執樽罍



籠纂者各就位太官丞出詣饌所謁者進獻  
官之左自有司謹具請行事退復位太官丞  
引饌入祝史跪迎設於神座前訖太官丞以  
下還本位謁者引獻官詣洗位盥手洗爵詣  
樽所酌酒進神座前跪奠爵俛伏興少退向  
神座跪祝史持板進神座之右跪讀祝文訖  
獻官再拜祝史跪奠板於地俛伏興還樽所  
亞終獻如初獻儀但不讀祝文三獻訖祝史  
以爵酌福酒立於獻官之右獻官再拜受爵



跪祭酒三祭于地遂飲卒爵再拜訖謁者引  
還本位祝史進跪徹豆俛伏興還樽所祝史  
與執樽壘篚冪者俱復位謁者贊拜獻官以  
下皆再拜謁者進獻官之左自禮畢遂引獻  
官以下出祝板燔於齋所若雨止報祠用少  
牢靖宗五年正月辛丑祭雨師非時日也

馬祖

馬祖壇廣九步高三尺四出陞壇二十五步  
燎壇在神壇丙地廣五尺戶方二尺開上南



出仲春擇吉祀之祝版稱高麗國王謹遣某  
官姓名敬祭牲牢豕一祀儀前祀三日諸  
預祀之官散齋二日一日於正寢一日於本  
司無本司者宿尚書省致齋一日於祀所前  
祀一日守宮設祀官次於齋坊郊社令積柴  
於燎壇上太官令具小牢之饌祀日未明二  
刻太史郊社令升設馬祖天駟神座於壇上  
北方南同席以莞奉禮設獻官位於壇東南  
執事位又於東南俱西向北上設奉禮位於



獻官西南贊者二人在南差退又設奉禮贊者位於燎壇東北俱西向北上設望燎位於燎壇北南向郊社今設酒尊於壇上東南隅北向設洗位於壇下東南北向設幣籠於尊所未明一刻獻官以下各服其服郊社良醢令入實酒尊及幣贊明奉禮帥贊者先入就位贊引引祝史齋郎與執尊疊籩豆者入當壇南重行北向西上立定奉禮曰再拜贊者承傳祝史以下俱再拜祝史升自東陞詣尊



所謂者引獻官以下入就位立定奉禮曰再拜在位者俱再拜謁者進獻官之左白有司謹具請行事退復位太官令出詣饌所祝史跪取幣於篚興立於尊所謁者引獻官升自南陛詣神座前北向立祝史奉幣東向授獻官獻官受幣進北向跪奠於神座俛伏興少退再拜謁者引獻官還本位太官令引饌入自南陛升祝史迎引於壇上設於神座前訖太官令降復位祝史還尊所謁者引獻官詣



洗位盥手洗爵訖謁者引獻官升自南陛詣  
酒尊所酌酒祝史贊酌獻官進神座前北向  
跪奠爵俛伏興少退北向立祝史持祝板進  
神座之右東向跪讀祝文訖興獻官再拜祝  
史奠板於地俛伏興還尊所亞終獻如初獻  
儀三獻說祝史以爵酌福酒進獻官之右西  
向立獻官再拜受爵跪祭酒遂飲卒爵祝史  
進受虛爵復於地獻官俛伏興祝史以俎進  
減神座前胙肉以授獻官獻官跪受以授齋



郎獻官再拜謁者引獻官降自南陛還本位  
祝史進跪徹豆俛伏興還尊所奉禮曰再拜  
在位者皆再拜已飲福受胙者不拜謁者引  
獻官就望燎位南向立奉禮又帥贊者退立  
於燎壇東北祝史進神座前跪取制幣祝版  
爵酒又以俎載牲體黍稷飯興降自南陛當  
燎壇東南行自南陛登燎壇以幣酒祝版饌  
物置柴上訖奉禮曰可燎東西各二人以炬  
投壇上火半柴謁者進獻官之左白禮畢遂



引獻官以下出奉禮帥贊者還本位贊引引祝史以下俱復執事位立定奉禮曰再拜祝史以下皆再拜贊引引出

先牧馬社馬步

先牧馬社馬步壇各廣九步高三尺四出陞壇並二十五步墜塼皆在神壇之壬地南出陞方深取足容物享日先牧仲夏馬社仲秋馬步仲冬並擇吉神位各設於壇上北方南向席皆以莞祝版稱高麗國王謹遣某官姓



名敬祭牲牢各豕一 享儀前享三日應享  
之官散齋二日一日於正寢一日於本司無  
本司者宿尚書省致齋一日於享所前享一  
日郊社令掃除壇之內外太官令具少牢之  
饌享日未明二刻太史令郊社令設神座奉  
禮設獻官位於壇東南執事位於獻官東南  
俱西向北上設奉禮位於獻官西南贊者二  
人在南差退俱西向北上郊社令設酒罇於  
壇上東南隅北向設洗位於壇下東南北向



未明一刻享官以下各服其服郊社良醞令  
入實酒尊及幣質明奉禮帥贊者先入就位  
再拜贊引引祝史與執尊罍簠罍者入當壇  
南重行北向西上立定奉禮曰再拜贊者承  
傳祝史以下俱再拜祝史升自東陞立於尊  
所謁者引獻官以下入就位立定奉禮曰再  
拜在位者皆再拜謁者進獻官之左白有司  
謹具請行事退復位太官令出詣饌所祝史  
跪取幣於簠與立於尊所謁者引獻官升自



南陛詣神座前北向立祝史奉幣東向授獻  
官獻官受幣進跪奠於神座俛伏興少退北  
向再拜謁者引獻官還本位太官令引饌升  
自南陛祝史迎設於神座前訖太官令降復  
位祝史還尊所謁者引獻官詣洗位盥手洗  
爵訖謁者引獻官升自南陛詣酒尊所酌酒  
祝史贊酌獻官進神座前跪奠爵俛伏興少  
退北向立祝史持版進神座右東向跪讀祝  
文訖獻官再拜祝史跪奠版於地俛伏興還



尊所亞終獻如初獻之儀三獻訖祝史以爵酌福酒進獻官之右西向立獻官再拜受爵跪祭酒遂飲卒爵祝史進受虛爵復於站獻官俛伏興祝史以俎進臧神座前胙肉以授獻官獻官跪受以授齋郎獻官再拜謁者引獻官降自南陛還本位祝史進跪徹豆俛伏興還尊所奉禮曰再拜在位者皆再拜已飲福受胙者不拜謁者引獻官就望瘞位北向立奉禮帥贊者就瘞埽西南東向立祝史進



神座前跪取幣爵酒又以俎載牲體黍稷飯  
興降自南陛以幣酒饌置於埴訖奉禮曰可  
瘞東西各二人寘土半埴謁者進獻官之左  
白禮畢遂引獻官以下出奉禮帥贊者還本  
位贊引引祝史以下俱復執事位立定奉禮  
曰再拜祝史以下皆再拜贊引引出其祝版  
燔於齋坊

司寒

司寒孟冬及立春藏冰春分開冰享之神位



設於壇上北方南向席以莞覲版稱高麗國  
王謹遣某官姓名敬祭牲牢一 祭儀前  
祭三日諸享官散齋二日一日於正寢一日  
於本司無本司者宿尚書省致齋一日於享  
所前享一日郊社令掃除享所守宮陳設如  
常享日未明太官丞具少牢之饌郊社令帥  
其屬設酒樽於神座東南設洗位於壇東南  
北向上林令設桃弧棘矢於冰室戶內之右  
祭訖遂留之奉禮設上林令位於神座東南



執事者位又於東南俱重行西向北上質明  
上林令以下各服其服郊社良醢令入實酒  
尊太官丞監設饌物贊引引祝史與執尊罍  
篚罍者先入立於神座前北向俱再拜訖各  
就位贊引引上林令及執事者俱入就位立  
定贊拜上林令以下皆再拜太官丞出詣饌  
所贊引進上林令之左白有司謹具請行事  
退復位太官丞引饌入祝史迎引於壇上設  
於神座前訖太官丞還本位贊引引上林令



詣洗位盥手洗爵詣酒尊所上林令酌酒進  
神座前北向跪奠爵俛伏興少退北向立祝  
史持版進神座之右東向跪讀祝文訖興上  
林令再拜祝史跪奠版於坫俛伏興還尊所  
亞終獻如上儀祝史以爵酌福酒進上林令  
之右西向立上林令再拜受爵跪祭酒遂飲  
卒爵祝史進受虛爵復於坫上林令俛伏興  
再拜贊引引還本位祝史進跪徹豆俛伏興  
還尊所祝史與執尊罍籩豆者俱復位贊引



贊拜上林令以下皆再拜贊引進上林令之  
左白禮畢贊引引上林令以下出其祝版焚  
於齋所

諸州縣文宣王廟

釋奠儀

齋戒前享三日三獻官

牧都護知州府郡事

則使以下相次為三獻官若防禦鎮使縣令鎮將監務三獻官不備則兼攝行事及

諸預享之官散齋二日致齋一日散齋皆於  
正寢致齋三獻官於廳事預享官各於本司  
散齋理事如故唯不吊喪問疾不作樂不判



署刑殺文書不行刑罰不經穢惡致齋唯享  
事得行其餘悉斷助教及生徒皆清齋一宿  
於學館若有樂工則亦清齋一宿於享所

陳設

附事

前享

二日

本司

掃除

廟之

內外

又

爲瘞瘠於堂之正地方深取足容物設三獻  
官次於門外隨地之宜前享一日晡後本司  
帥其屬守門設三獻位於東階東南每等異  
位俱西向設掌事位於三獻官東南西向設  
助教位於西階西南當掌事位生徒位於助



教之後俱東向北上設贊唱者位於三獻官  
西南西向北上助教以文師差充若無文師  
則以教授生徒者代之本司掌醴者以學院  
吏贊禮贊唱者以禮院吏亦閑習禮文者爲  
之設望座位於堂之東北當瘞罔西向贊唱  
者位於瘞罔東北南向東上祭器之數先聖  
神座前簋簠各二簋實稻粱在左粱在稻前  
簋實黍稷在右稷在黍前竝居前籩八在左  
爲二行右上第一行石鹽乾魚乾棗栗黃第



二行榛仁菱仁芡仁鹿脯豆八在右爲二行  
左上第一行韭醢醢菁醢鹿醢第二行芹  
醢兔醢筍醢魚醢俎一在籩豆間載豕牲又  
豆一實毛血在俎前木爵三在籩豆南每爵  
有站罇二一實明水一實醴齊在神座東南  
西上加勺幣簠設於罇站所幣以白長丈八  
尺祝站設於神座右先師座亦如之罇在神  
座之左北上又設從享位各籩二在左一實  
栗黃一實鹿脯豆二在右一實菁醢一實鹿



醢俎一在籩豆間載豕牲簠簋各一在籩豆  
間竝居前簠實稷簋實黍爵三在籩豆南每  
爵有坩罇四分左右二實明水二實醴齊又  
設洗於東階之東罍水在洗東加勺篚在洗  
西南肆篚實以巾爵享日未明烹牲於廚祝  
以豆一取毛血夙興掌饌者實祭器質明諸  
享官及生徒各服其服本司帥掌事者入實  
尊罍及幣祝版各寘於坩贊唱者先入就位  
祝二人與執尊罍篚洗者入立於庭重行北



向西上立定贊唱者曰再拜祝以下皆再拜  
執尊罍篚洗者各就位祝升自東階行掃除  
訖各立於尊所三獻官將至助教生徒並入  
就位三獻官至門外次改服出次贊禮者引  
三獻官以下諸享官以次入就位立定贊唱  
者曰再拜在位者皆再拜贊禮者進初獻官  
之左北向白請行事退復位本司帥執饌者  
奉饌陳於門外贊禮者引獻官升自東階詣  
先聖神座前北向立祝跪取幣東向授初獻



官初獻官北向跪奠於先聖神座俛伏興少  
退再拜訖又詣先師配座前東向立祝以幣  
北向授初獻官初獻官東向跪奠於先師座  
俛伏興少退再拜訖贊禮者引降復位本司  
引饌入升自東階祝迎引於階上各設於神  
座前設訖本司與執饌者降出祝還尊所贊  
禮者引初獻官詣罍洗盥手洗手洗爵拭爵  
訖升自東階詣先聖酒尊所執尊者去罍獻  
官酌醴齊詣先聖神座前北向跪奠訖俛伏



興少退立祝持祝版進神座之右東向跪讀  
訖初獻官再拜祝跪奠版於坫興還尊所初  
獻官又詣先師尊所執尊者去罍獻官酌醴  
齊詣先師配座前東向跪奠爵俛伏興以次  
詣左右從享位酌獻訖詣配座前東向立東  
庶分祝持祝版進配座之左北向跪讀訖初  
獻官再拜祝跪奠版於坫興還尊所贊禮者  
引初獻官詣飲福位西向立祝各以爵酌福  
酒合奠一爵一祝持爵進初獻官之左北向



立初獻官再拜受爵跪祭酒啐酒奠爵俛伏  
興祝各持俎進臧神座前胙肉共置一俎上  
又以籩取稷黍飯共置一籩以次授初獻官  
每受以授執饌者取爵遂飲卒爵祝進受虛  
爵復於坫初獻官興再拜贊禮者引降復位  
贊禮者引亞獻官詣罍洗盥手洗爵升獻竝  
如初獻之儀訖贊禮者引亞獻官詣飲福位  
西向立祝各以爵酌福酒合置一爵一祝持  
爵進亞獻官之左北向立亞獻官再拜受爵



跪祭酒遂飲卒爵祝進受虛爵復於坵亞獻  
官興再拜贊禮者引亞獻官降復位初亞獻  
將畢贊禮者引終獻官詣洗升獻如亞獻之  
儀訖降復位祝各進神座前跪徹豆興還尊  
所贊唱者曰賜胙再拜在位者皆再拜已受  
福者不拜送神贊唱者曰衆官再拜在位者  
皆再拜贊禮者進獻官之左白請望瘞引就  
望瘞位西向立贊唱者轉就瘞埽東北位初  
在位者將拜祝各以簋進神座前跪取幣降



自西階就瘞塹以幣寘於塹訖贊唱者曰可  
瘞塹東西各二人寘土半塹贊禮者白禮畢  
遂引初獻官以下諸享官以次出祝與執尊  
罍篚洗者俱復庭下位北向立贊唱者曰再  
拜祝以下俱再拜訖出祝版燔於齋坊

大夫士庶人祭禮

文宗二年七月壬寅制大小官吏四仲時祭  
給暇二日 恭讓王二年二月判大夫以上  
祭三世六品以上祭二世七品以下至於庶



人止祭父母並立家廟朔望必奠出入必告  
四仲之月必享食新必薦忌日必祭當忌日  
不許騎馬出門接對賓客其俗節上墳許從  
舊俗時享日期一二品每仲月上旬三四五  
六品仲旬七品以下至於庶人季旬八月庚  
申朔頒行士大夫家祭儀四仲月祭曾祖考  
妣祖考妣考妣三代嫡長子孫主祭衆子孫  
親伯叔父及子孫堂伯叔祖及子孫並於主  
祭家與祭與祭者之祖考不得與享此祭者



則別作神主各於其家奉祀嫡長子孫無後  
次嫡子孫之長者主祭主祭者秩卑衆子孫  
內有秩高者祭品從秩高者祖考秩卑主祭  
者秩高祭品從主祭者之秩主人初獻主婦  
亞獻衆兄弟終獻主婦有故衆兄弟代之三  
獻人各致齋一日其餘宗族散齋主祭子孫  
奉神主別居遠地其衆子孫以俗祭儀祭於  
其室若神主在主祭家主祭者因事遠出則  
次嫡子孫就其家行祭如常儀旁親之無後



者以其班祔之用紙錢無神主妻先夫亡者亦同有子孫則以紙錢祭於其家除四仲月正祭外如正朝端午中秋宜獻時食奠酒不用祝文如祖考忌日只祭祖考及祖妣祖妣忌日只祭祖妣不必徧舉仍請神主出中堂饗祭餘位忌日同祭品隨時損益不必視時祭儀外祖父母及妻父母無主祭者當於正朝端午中秋及各忌日用俗祭儀祭之行禮儀式一依朱文公家禮隨宜損益一品至二



品設蔬果各五標肉二標麪餅各一器羹飯  
各二器匙筯盞各二三品至六品設蔬菜三  
標果二標麪餅魚肉各一器七品至庶人在  
官者菜二標果一標魚肉各一器羹飯盞匙  
筯並同兩位共一卓右宗子祭法自今中外  
遵守以成禮俗其中有人情事勢不便者不  
必拘宗法其見存族長奉神主主祠其餘嫡  
衆子孫並於其家與祭衆子孫所生父母各  
作神主祭於其家致齋如常儀三年六月已



已命申行家廟之制

雜祀

穆宗十一年十月改較祭爲歷兵祭 顯宗

二年二月以丹兵至長湍風雪暴作紺岳神

祠若有旌旗士馬丹兵懼不敢前令所司修

報祀三年十二月作西京木覓祠神象七月

大醮于毬庭國家故事往往遍祭天地及境

內山川于闕庭謂之醮十六年五月以海陽

道定安縣再進珊瑚樹陞南海神祀典 靖



宗元年五月甲辰祈晴于川上每水旱祭百  
神於松岳溪上號曰川上祭五年二月壬午  
祀老人星於南郊九年九月壬申親醮于韞  
庭十二年六月己未親醮本命星宿于內殿  
文宗二年二月己丑行歷兵祭于西京北  
郊七月己未親醮北斗于內殿五年四月戊  
申親醮于韞庭十二月戊子制大雪之候雪  
不盈尺宜令諫曰祈雪於川上禮部奏仲冬  
以來雖無盈尺之雪兩復霽然況今節近立



春不宜祈雪從之七年四月丁酉親醮于毬  
庭九年三月壬申宣德鎮新城置城隍神祠  
賜號崇威春秋致祭十年九月己丑祀太一  
於壽春宮以禳火災十四年五月甲午親醮  
于毬庭十八年五月己未親醮本命星宿于  
內殿十九年八月戊子朔木火二星失度醮  
于毬庭以禳之二十年三月戊午親醮于毬  
庭二十五年四月癸酉親醮于毬庭二十七  
年二月甲午行天祥祭以禳災變五月己酉



醮百神於毬庭以禳災變 宣宗二年四月  
甲申親醮于毬庭三年十一月壬戌親醮祈  
雪四年正月甲戌親醮于會慶殿三月丙子  
親醮太一于文德殿以祈風雨調順五月己  
卯親醮于會慶殿禱雨七月丙辰醮于內庭  
十月乙酉親醮于內庭五年三月己酉遣使  
醮于氐城在鹽州東古祭天壇也六年二月  
辛酉親祀天地山川于毬庭十年六月甲子  
親醮于內殿祈穀十一年三月丁亥醮于毬



庭 肅宗元年五月丙申醮于會慶殿二年  
五月丁卯醮于會慶殿三年二月甲申親醮  
于毬庭五月辛酉醮于會慶殿五年正月癸  
巳親醮于毬庭六月戊午祭五溫神於五部  
以禳溫疫六年二月甲午遣使秩祭于山川  
丙申祭溫神于五部以禳溫疫三月丙戌祭  
五溫神四月戊申合祭已卯年幸三角山所  
過名山大川于開城及楊州七年二月丙申  
命太子醮三界百神于毬庭十月壬子朔禮



部奏我國教化禮義自箕子始而不載祀典  
乞求其墳塋立祠以祭從之九年十一月丁  
亥醮太一祈雪十二月甲子祈雪于山川十  
年二月癸丑命太子醮三界靈輅于越庭八  
月甲申遣使祭東明聖帝祠獻衣幣 睿宗  
三年五月辛酉王率近侍三品以上醮昊天  
五方帝于會慶殿八月丙戌命有司祀老人  
星于南壇六年二月己亥祀老人星于南壇  
十一年四月丁卯遣使祈雨於上京川上松



岳東神諸神廟朴淵及西京木寬東明祠道  
拒岳梯淵 仁宗元年二月甲午親醮于闕  
庭十二月壬午秩祭山川七年三月甲申遣  
使醮于鹽州甌城 明宗十四年五月丙戌  
以太子無嗣遣使禱祭于白馬山五十年十  
月甲申遣使西都祭藝祖廟西都藝祖之所  
興也至今衣冠猶在其廟故後王每於燃燈  
八關遣大臣致祭 高宗四十五年四月乙  
酉親醮三界 元宗十四年討五別抄于耽



羅也無等山神有陰助之驗命春秋致祭  
忠烈王元年六月戊辰遣使于忠清慶尚全  
羅東界等道巡察山川二年子月癸亥親醮  
于康安殿三年二月庚申朔親醮于本闕五  
月壬辰以耽羅之役錦城山神有陰助之驗  
今所在官歲致祭五石以奉其祀四年二月  
庚申親醮于本闕九月辛卯遣使于平壤享  
太祖東明木覓廟五年三月庚戌親醮于康  
安殿五月丁卯用樂祀竹坂宮新殿驚瓦六



年三月戊申親醮三界于本闕七年三月甲  
子以將征日本祭齋于宮南門八年三月甲  
子親醮于本闕九年三月甲子親醮三界于  
本闕九月庚申親醮于本闕十年三月戊午  
親醮三界于康安殿十月丙午親醮于康安  
殿十一年三月己卯親醮三界于康安殿十  
二年三月丁丑親醮于康安殿十三年三月  
壬辰朔親醮三界于康安殿六月己巳將助  
征乃顏親祭齋于宮門十四年二月甲申親



醮于康安殿十二月丙辰幸九曜堂醮十一  
曜十六年九月庚申將征日本祭燹于壽康  
宮十八年四月癸亥親醮三界于康安殿二  
十一年二月甲辰親醮三界于康安殿 忠  
肅王十二年十月令平壤府立箕子祠以祭  
恭愍王五年六月令平壤府修營箕子祠  
宇以時致祭八年十二月丙子以賊起祭中  
外山川於神廟以求助九年三月甲午祭諸  
道州郡城隍于諸神廟以謝戰捷十年十月





禱兵捷于群望二十年十二月命平壤府修箕子祠宇以時祭之 辛禡三年七月丙申都評議司言往歲玄陵將親討紅賊始立燹每月朔望祭之其弊不細請停罷從之四年五月甲戌以時令不和醮太一于福源宮五年三月辛未遣使醮摩利山甲申命淨事色大醮三界六年八月辛未命淨事色醮開福神于闕庭十一年三月丙子命醮于毬庭及淨事色十四年四月丙辰遣使醮助兵六丁



志卷第十七



卷之三 二十五





志卷第十八 高麗史六十四

正憲大夫判書崔益世稔學知經筵兼教館事兼成均大司成臣鄭麟趾奉

教修

禮六

凶禮

國恤

高麗人不立國恤之儀至國有大故則皆臨時采掇附比以從事事已則諱而不傳故其見於史者持梗槩而已 太祖二十六年五



月丙午王疾大漸御神德殿命學士金岳草遺詔有頃而薨太子諸王及宗室近臣皆擗地哀號乃令百官列位於內議省門外宣遺命惠宗即位率群臣舉哀六月戊申發喪於詳政殿宣遺詔已酉殯于詳政殿之西階庚午行祖奠太常卿讀謚冊攝侍中元甫行禮賓令王仁澤奉大牢之奠壬申葬于顯陵以遺命喪葬園陵制度依漢魏故事悉從儉約

景宗六年七月王疾彌留甲辰遺詔服紀



以日易月十三日周祥二十七日大祥西京  
安東安南登州等諸道鎮守各於任所舉哀  
三日釋服丙午薨于正寢葬于榮陵成宗即  
位 顯宗二十二年五月辛未王疾篤薨于  
重光殿德宗即位居翼室朝夕哀臨甲戌王  
率群臣成服百姓玄冠素服六月丙申葬于  
宣陵群臣公除戊戌王釋服十月戊寅宰輔  
表請復常膳許之元年五月己丑王以皇考  
中祥祭齋七日居翼室涼閣反哭舉哀一如



唐德宗故事二年八月祔顯宗于太廟 文

宗三十七年七月辛酉王疾篤薨于重光殿

殯于宣德殿是日順宗即位八月甲申葬文

宗于景陵十月乙未王疾篤遺詔在外州鎮

官吏止於本處舉哀喪服以日易月薨于喪

次是日殯于宣德殿丙申宣宗即位戊戌王

率百官成服詣宣德殿行祭十一月庚申王

親臨啓殯哭盡哀葬于成陵二年九月壬子

王親奠于順宗魂殿九年九月壬午王太后



李氏薨于西京歸葬戴陵乙酉遼遣王鼎來  
賀生辰有司奏古典天子諸侯三年之喪既  
葬釋服心喪終制不與士大夫同禮今賀節  
使已至伏望以日易月二十七日後釋服迎  
命從之十年九月丁丑王詣仁睿太后返魂  
殿行小祥祭從晉制奉安神主於本殿肅  
宗十年十月王還自西京丙寅至長平門外  
以疾薨于輦中到西華門發喪太子群臣哭  
踊奉入延英殿即日移殯于宣德殿遺詔方



鎮州牧止於本處舉哀服喪之制以日易月  
是日睿宗即位甲申葬于英陵元年三月乙  
卯王詣肅宗虞宮七年七月己巳王太后柳  
氏薨殯于大內八月丙申葬于崇陵王祖送  
于闕庭十七年四月王疾革丙申遺詔喪服  
以日易月方鎮州牧止於本處舉哀成服三  
日而除遂薨殯于宣政殿仁宗即位朝夕奠  
殯哭踊盡哀甲寅葬于裕陵七月己卯虞八  
月壬寅虞十月癸卯虞十二月朔丙戌虞元



年四月癸巳小祥巳酉虞十月乙酉虞二年  
四月甲戌祔于太廟二十四年二月王疾大  
漸丁卯遺詔喪服以日易月薨于保和殿是  
日毅宗即位三月甲戌王及百官國人成服  
甲申葬于長陵癸巳王以下釋服丙戌虞二  
年二月丁巳大祥明宗三年十月庚申李  
義旼弒毅宗于雞林五年五月丙申發毅宗  
喪百宮玄冠素服三日壬寅葬于禧陵十三  
年十一月癸未王太后任氏薨殯于義昌宮



旁私第王朝夕哭臨閏月甲寅葬于純陵王  
導輜車自義昌宮步至彌勒寺釋服十四年  
二月壬戌卒哭禮官奏按仁睿太后喪制一  
依文廟故事卒哭之後上及群臣應帶紅鞋  
者皆服皂帶今太后之喪亦依此制中書省  
駁議王后喪制不宜與國王同王曰人子之  
於父母其心一也豈可重父而輕母哉卒哭  
之後朕雖許卿等帶紅而卿等宜引禮固辭  
况祥期之內朕常帶皂而卿等獨帶紅耶夏



四月壬申燃燈翼日大會觀樂燃燈上元事  
也以國恤權停至是行之唯禁插花諸伎五  
月甲午金祭真使太府監完顏亶來初至西  
郊亭接伴使大將軍張博仁舞蹈行問上禮  
亶以國恤舞蹈譏之曰何失禮也博仁猶不  
悟丁巳王宴金使使不入曰今日之事是謂  
花宴况王既起復禮宜從吉結彩棚奏樂插  
花可也不則不受享禮王使人荅曰雖受起  
復練祥未闕可從吉禮乎金使怒不赴宴六



月戊辰宴金使竟不結棚插花奏樂八月王  
以嬖妾死久不御肉人譏之曰丁母后喪未  
五旬而復常膳今反乃爾何失禮之甚也十  
一月甲午虞已亥設八關會王觀樂于毬庭  
以太后祥月除賀禮及舞蹈工人庭舞歌曲  
初禮官奏仲冬乃王太后忌日請於孟冬行  
八關禮王以問相府叅知政事文克謙曰太  
祖始設八關蓋爲神祇也後世嗣王不可以  
他事進退之况太祖禱于神明日願世世仲



冬無令有國忌若不幸有忌則疑國祚將艾也故自統合以來仲冬無國忌今有之是國之災也而又以孟冬設八關固非太祖意禮官所奏不可許從之翼日大會王又觀樂于毬庭十五年八月壬申行八虞祭十六年正月丙午附于太廟神宗五年十一月戊午明宗薨于昌樂宮宰樞及常叅官以上皂帶詣闕陳慰宗室百官及士庶人玄冠素服三日唯葬禮都監服至葬日己巳金遣戶部侍



郎李仲元來賀生辰十二月朔辛未王受詔  
于大觀殿先遣左承宣于承慶謂金使曰前  
王在殯迎詔及宴不敢舉樂金使曰迎天子  
之命豈可以私喪徹樂乎遂用之丙辰宴金  
使先遣人告曰前王在殯未敢宴於正殿金  
使不聽再告乃許之閏月壬寅葬明宗于智  
陵王初欲葬以王禮崔忠獻堅執不可降從  
其妃景順王后葬儀閒用仁廟葬禮時太子  
斥在江華未得襄事國人哀之七年正月己



已王背疽御千齡殿詔太子嗣位是爲熙宗  
丁丑薨戊寅殯于靖安宮崔忠獻會宰樞於  
其第議減禮司所奏服喪二十六日爲十四  
日二月庚申葬于陽陵二年二月己未祔于  
太廟 康宗二年八月王不豫丁丑遺詔易  
月之服三日而除薨于壽昌宮戊寅高宗即  
位九月丙寅葬于厚陵十九年六月朔庚戌  
王妃王氏薨百官玄冠素服三日辛酉葬王  
后四十六年六月壬寅王薨于柳墩第遺詔



太子嗣位太子奉使未還聞太孫監國易月  
之服三日而除太子即元宗七月乙卯有事  
于太廟以國恤除牲牢樂懸九月丙辰蒙使  
加大只大等來太孫傳令旨曰大朝使來不  
可以函服迎當服皂鞋以迎其留使外館以  
待終制己未葬高宗于洪陵太孫釋服元宗  
在元闡計服喪三日而除元年二月己酉燃  
澄太孫如奉恩寺除黃紅傘水精鉞鈇駕前  
儀仗及引駕其他諸王宰樞兩班士卒侍衛



如常儀入康安殿與諸王分坐東西看樂許  
諸王宰樞文武兩班服吉服紅鞵三月甲申  
元宗還戊子即位六月丙寅小祥十五年六  
月王不豫癸亥遺詔易月之服三日而除藩  
鎮州縣毋得越疆奉遵朝廷哀制至於科舉  
昏姻一切如舊薨于堤上宮八月戊辰藩王  
至自元詣堤上宮謁殯殿已巳王幸本闕服  
黃袍即位于康安殿是謂忠烈王九月壬午  
王詣殯殿始服斬衰麻經率群臣哭乙酉葬



于韶陵王釋喪服元年十一月乙未王行七  
虞祭於魂殿二年六月乙丑附于景靈殿七  
月乙未附于太廟二十三年五月壬午安平  
公主薨于賢聖寺殯于壽寧宮令國中士庶  
素衣白帽至葬八月丙午世子成服己未葬  
于高陵三十四年五月王不豫七月己巳薨  
於神孝寺是夜殯于淑妃金氏第八月壬子  
瀋陽王自元京奔喪詣殯殿入哭設奠百官  
以玄冠素服侍立甲寅瀋陽王服紫袍詣景



靈殿告嗣位遂至壽寧宮即位是爲忠宣王  
九月辛卯王祭殯殿癸巳祭殯殿乙未王祭  
殯殿大歛三臨盡哀百官皆縞素停朝市十  
月丁酉葬于慶陵諸司設真道次祖送梓宮  
初發王衰麻經手擎香爐步至十川橋乃乘  
肩輿至山陵葬訖率百官大臨侍魂輿而返  
安於靈真殿二年九月丁丑祔于寢園攝太  
尉大寧君崔有滄前一日詣靈真殿齋宿其  
日早行告事由祭攝司徒政丞柳清臣典儀



判事李之氏與諸享官受祝版徑詣寢園百  
官具儀衛會靈真殿門外敘立奉木主出安  
于輅密直二人坐於前攝上護軍二人坐於  
後內侍常叅二人又坐其後百官前後導從  
至寢園大尉司徒及典儀判事先入庭分立  
左右右上諸享官及侍臣入庭分立奉主去  
輅就輿樂作及門樂止齋郎奉主置拜位攝  
侍中俯伏致告訖奉主復乘輿堂上執禮官  
引入正室先見太祖次見惠顯二祖次見仁



明二祖訖奉安于位堂下樂作太尉洗爵初  
獻司徒亞獻典儀終獻其禮實王之所制也  
忠肅王二年十一月薊國大長公主在元  
不豫十二月甲午薨庚子柩東還仁宗皇帝  
命中書省御史臺百官奠于道三年二月丙  
子公主喪至百官玄冠素服迎于郊殯于永  
安宮庚寅葬公主十二年五月辛酉太尉王  
宣即忠王薨于燕邸甲戌計至遣三司使尹莘傑  
萬戶姜融迎梓宮于平壤七月癸酉梓宮至



百官玄冠素服郊迎殯于淑妃宮十一月甲寅葬于德陵十七年六月丁未祔于寢園

忠惠王後五年正月王在元丙子薨于岳陽

縣閏二月己巳計至停朝市三日六月癸酉

梓宮至八月庚申葬于永陵忠穆王二年正

月丁未奉安木主于魂殿五月乙酉祔于太

廟恭愍王元年三月辛亥忠定王遇鴆薨

于江華七月癸酉葬于聰陵諸司一負服斬

衰奉安神御于宣明殿辛禡元年四月己酉



祔于太廟 恭愍王十四年二月甲辰徽懿  
公主薨輟朝三日百官玄冠素服置殯殿國  
葬造墓都監及山所靈飯法威儀喪帷輜車  
祭器喪服返魂服玩小造棺槨墓室鋪陳真  
影等十三色以供喪事又命諸司設奠四月  
壬辰葬于正陵百官玄冠素服送至陵及返  
魂改吉服從還王手寫公主真日夜對食悲  
泣三年不御肉膳二十三年九月甲申洪倫  
等弒王丙戌殯于寶房辛禍與宰樞發喪舉



哀十月庚申葬于玄陵百官皆喪服秉燭導  
輜車前行諸司設奠道次禍以喪服出演福  
寺西街迎拜肩輿前導至宣義門外拜送平  
笠白衣乘馬而還百官至山陵葬訖以吉服  
返魂於寶源庫 辛禡元年三月甲戌貞順  
淑儀公主薨百官玄冠素服輟朝市四月甲  
辰葬于頃陵百官又玄冠素服送至山陵公  
服侍魂輿而返安於魂殿

陳慰儀



其日百官並皂鞋閣門先立殿門外東邊祇  
候分引兩班中心爲頭異位重行北向立定  
侍臣隨品交立祇候引宰臣就褥位舍人喝  
宰臣兩班再拜閣使出行詣宰臣右立宰臣  
搢笏跪進表閣使揖搢笏奉表抽笏奉表入  
門揖落笏趨進一拜跪搢笏呈表於几上膝  
退面拜趨退出門外揖就位揖云奉宣卿等  
所慰已知舍人喝皆再拜祇候引宰臣出次  
引兩班出訖閣門橫行再拜行頭進步復位



拜揖退

祔太廟儀

其日承宣開殿實魂殿都監判官秉燭先升  
拂匱筵趺几踏臺訖太祝入室啓匱出神主  
安於趺上行告祔廟祭訖太祝入室奉神主  
還安匱內闔戶而出承宣封室戶儀仗樂部  
列於門外尚舍設褥位於殿庭指諭牽龍各  
著錦衣陪腰輿置褥位上又設褥位於外庭  
置綵帛樓子又設褥位於大門外置大輅於



褥位南承宣重房備身將軍指諭內侍茶房  
序立於內紫門階下執禮命尚贊閣門祇候  
引傘扇入陳於外庭侍臣左右分立宰臣密  
直一行西上太史局奏時負報某時承宣開  
室戶攝侍中詣匱前跪奏云請降座升輿內  
侍一負奉靈匱一負奉趺几太祝宮闈令奉  
神主匱降自西階安於腰輿殿侍衛及巡檢  
等陪立次殿中禁服其服左右分立指諭牽  
龍陪立於紫門階上次承宣重房備身將軍



內侍茶房詣諭肅拜訖殿都知著錦衣奉鉞  
子左右分立陪腰輿出門外小駐舍人喝宰  
臣密直左右侍臣肅拜訖攝侍中跪請降輿  
升樓子安於樓子如前儀進行至大路前褥  
位小駐攝侍中跪奏請降樓子升輅安於輅  
上如前儀舍人喝百官再拜勅侍奉負將文  
武兩班上馬黃門侍郎奏上馬舍人喝百官  
再拜訖上將軍一負佩刀就輅前立奏神主  
路上行李萬福升柎太廟再拜訖密直二負



上將軍二貲內侍叅上四貲叅乘密直輅外  
前面上將軍後面別監輅內稍後左右陪奉  
到太廟外駐輅叅乘官俱下前到享官肅拜  
訖輅至門外攝侍中跪奏請降輅升輿安於  
輿上如前儀尚舍於門外先設幕次幕前設  
褥位腰輿到褥位上以樓子邀之尚舍別監  
捲簾安於幕內床褥上如前儀廟庭執禮俟  
廟內諸事畢詣幕次舍人喝宰樞侍臣再拜  
權還引腰輿置幕前褥位上別監又捲簾廟



庭大祝奉神主匱安於腰輿齋郎陪腰輿贊  
者引入廟門廟庭執禮曰魂殿侍衛貲將人  
吏掌固退散出門外再拜退散後齋郎等陪  
腰輿入安于廟庭東邊褥位大祝齋郎奉木  
主歷見太祖而下先王先后訖入安于當祔  
之室享官行祭禮畢闔戶而出祔景靈殿儀  
放此

上國使祭奠贈賻弔慰儀

文宗之喪宋遣祭奠使在諫議大夫楊景略



副使禮賓使王舜封帛慰使右諫議大夫錢  
勰副使西上閣門副使宋球來祭奠使設奠  
于魂殿使副就位執事告陳設畢使副即席  
再拜使搢笏焚香酌酒讀祝文本國上陪官  
捧祝文俛伏興使副再拜訖嗣王向闕立使  
稱有勅嗣王再拜使口傳宣訖嗣王再拜使  
搢笏捧贈賻詔書嗣王跪受俛伏興祭奠禮  
畢帛慰使副少進嗣王向闕立使宣有勅嗣  
王再拜口宣及授帛慰詔書並如祭奠使儀



訖與祭奠使副展慰陳狀如常儀仁睿太后  
之喪金遣太府監完顏竊來賜祭將祭竊問  
曰太后畫象坐耶立耶對曰坐竊曰諸侯王  
毋坐而天子使拜可乎必藏影幘乃入行事  
王遣人陳諭再三竊從之王立庭下竊登堂  
再拜奠爵安平公主之喪元遣火魯忽孫來  
弔王與世子素衣短帽黃帶群臣玄冠素服  
與火魯忽孫入臨殯殿

先王諱辰真殿酌獻儀



其日質明禮司奏初嚴所司陳仗衛於殿庭  
內外如常儀樞密以下左右侍臣就大觀殿  
庭文武百寮就泰定門外立班以俟侍中詣  
宣仁殿門版奏外辦禮司奏二嚴王出御大  
觀殿鳴鞭內外仗衛大喝再拜舍人喝樞密  
以下左右侍臣再拜次閣門賓引宰臣就拜  
位舍人喝宰臣再拜西出黃門侍郎就庭中  
俛伏跪奏請動駕奏訖俛伏興退復位王降  
殿升輦出利賓門外禮司奏三嚴出泰定門



黃門侍郎出就輦前俛伏跪奏請駐輦俛伏  
興舍人喝文武百寮再拜次黃門侍郎復就  
輦前俛伏跪奏請勅侍臣百寮上馬侍中傳  
宣曰可黃門侍郎俛伏興傳侍臣負將文武  
兩班宣許上馬傳訖舍人喝樞密以下侍臣  
及近臣百寮應騎者俱再拜訖黃門侍郎復  
出俛伏跪奏請勅駕俛伏興退復位鳴鞭侍  
臣前導出昇平門前後導從應騎者皆乘馬  
駕至真殿門外降輦入幄次殿內酌獻並與



燃燈小會駕幸儀同酌獻時宰臣以下文武百寮皆著皂鞋

成宗八年十二月教太祖及王考戴宗王妣宣義王后忌月禁屠殺斷肉膳靖宗三年七月壬戌以王妣元成太后諱辰百官就乾德殿上表陳慰諱辰陳慰始此自後考妣諱辰宰臣進表三品以上黑帶假紅以下犀帶陳慰如儀文宗三十一年五月甲戌王以顯考忌服素欄避正殿令中外斷音樂禁弋



獵終月 恭讓王三年正月辛五禮曹啓曰  
安慶公渚以元王母弟纂立元朝遣使奉元  
王復位則渚不當稱爲英宗亦不當載諸祀  
典今遇忌日致祭有乖大義請罷之且忠肅  
王妃洪氏乃忠惠王恭愍之母后忠惠王妃  
尹氏乃忠定王之母后以正統君王有後之  
妃迄今不祀實爲闕典乞兩妃忌日及真殿  
祭享悉倣近代先后禮從之

上國喪



顯宗二十二年七月己未契丹報哀使工部  
郎中南承顏來告聖宗喪宣詔於顯宗魂堂  
辛酉德宗引契丹使舉哀於內殿十月辛巳  
遣工部郎中柳喬如契丹會葬 文宗九年  
九月癸亥契丹告哀使鴻臚少卿張嗣復來  
告興宗喪王聞嗣復過鴨綠江減常膳徹音  
樂禁屠宰斷弋獵禮司奏禮世子不爲天子  
服又童子不總乞太子及樂浪開城國原侯  
並不服平壤公以下文武常叅以上服喪從



之乙丑王服素襴率百官出昌德門前嗣復  
傳詔舉哀行服輟朝市三日丙子遣知中樞  
院事崔惟善工部侍郎李得路如契丹弔喪  
會葬 仁宗十三年二月辛丑金報哀使檢  
校右散騎常侍王政來告太祖喪百官玄冠  
素服癸卯王受詔與國人服喪三日閏月丁  
未報哀使還附表陳慰乙卯遣少卿金端侍  
御史李時敏如金弔喪十四年二月丙辰金  
遣使來告太皇太后喪舉國素服三日丁卯



遣殿中監尹彥植左司諫崔允儀如金帛祭  
明宗十九年正月金世宗崩三月戊午遣  
奉慰使及祭真兼會葬使如金己未金遣使  
來告喪庚申王素服率百官迎詔于都省廳  
舉哀四月壬戌釋服二十一年二月乙未金  
遣完顏臣來告皇太后喪遣大將軍韓正修  
郎中崔敦禮如金帛喪大將軍文得呂司業  
李世長致祭丁酉王率群臣發哀於都省  
熙宗四年冬金章宗崩五年正月丁酉遣奉



慰使史洪紀祭真使李淳中如金 忠烈王  
二十年正月癸酉世祖皇帝崩王與公主以  
羊十馬一祭于殯殿二十六年正月丙寅元  
皇太后崩四月庚戌遣同知密直司事薛景  
成如元弔喪戊午王如元弔喪六月癸酉王  
祭太后殯殿 恭讓王四年六月己卯王聞  
大明皇太子薨欲發喪廷臣啓曰皇太子未  
成爲君不可服喪於是輟朝三日百官布帶

隣國喪



太祖七年九月新羅王昇英薨來告喪王舉  
哀遣使弔之

諸臣喪

高麗大臣之卒賻贈恩恤極爲優厚然其儀  
制史闕未詳略舉其見於史者以著其凡

太祖十九年十二月大匡裴玄慶疾篤王親  
幸其第問疾王出門而玄慶卒王駐駕命官  
庀葬事而後還 成宗六年三月內史令崔  
知夢卒王聞訃震悼賻布千匹米三百石麥



二百石茶二百角香二百斤官庀葬享贈太子太傅謚敏休八年五月守侍中崔承老卒王勳悼下教褒其勲德贈太師賻布千匹麴三百石粳米五百石乳香百斤腦原茶二百角大茶十斤十四年四月平章事崔亮卒王勳悼贈太子太師賻米三百石麥二百石腦原茶千角以禮葬之謚匡彬穆宗元年七月內史令徐熙卒賻布千匹麴麥三百石米五百石腦原茶二百角大茶十斤梅香三百



兩謚章戚以禮葬之七年六月侍中韓彥恭  
平賻米五百石粳麥三百石平布八百匹中  
布四百匹茶二百角贈內史令謚貞信以禮  
葬之顯宗八年五月戶部尚書金殷傳卒  
輟朝一日後贈侍中十五年六月平章事崔  
沆卒王悼甚賻絹三百匹布五百段米麥各  
千石謚節義二十二年八月侍中姜邯贊卒  
輟朝三日謚仁憲命文武兩班會葬弔諫賻  
贈加禮靖宗八年六月內史令徐訥卒王



御重光殿廊下舉哀貴臣舉哀與諸王同其  
異者一舉哀而止耳 文宗元年十月平章

事皇甫穎卒賜米百石麥五十石布四百匹

大茶三百斤香十斤 肅宗九年九月叅知

政事朴寅亮卒賜帛慰教及誄書賻贈以禮

謚文烈 睿宗五年七月平章事李顥卒輟

朝三日遣使弔祭官庀葬事謚文良十年二

月中書令崔思諫卒王震悼輟朝三日賻恤

優厚今百官會葬謚忠景 仁宗十四年十



一月樞密院知奏事鄭沅卒王悼甚輟朝弔  
祭賻米百石布二百匹御筆特謚文安毅  
宗十一年二月平章事高兆基卒輟朝三日  
命有司護喪賜謚明宗十六年四月政堂  
文學崔汝諧卒官庀葬事輟朝三日謚文貞  
十九年九月平章事文克謙卒輟朝三日謚  
忠肅高宗四年三月樞密副使蔡靖卒官  
庀葬事以漢平賊之功六年八月崔忠獻死  
十二月丙子以忠獻死輟朝三日元宗四



年十一月永安公僖卒五年四月辛未以僖  
卒輟朝三日十四年九月平章事張佖卒十  
一月庚子以佖卒輟朝三日 恭愍王十七  
年密直副使李岡卒王悼甚賜厚賻樞密例  
不得謚特謚文敬

### 五服制度

斬衰三年給暇百日正服子爲父女子在室  
及已嫁而返室者爲父義服妻爲夫妾爲君  
加服嫡孫父卒承重者爲祖父曾玄孫承重



者爲曾高祖齋衰三年給暇百日正服子爲  
母加服嫡孫父卒承重者爲祖母曾玄孫承  
重者爲曾高祖母公侯以下三日而葬十三  
月小祥二十五月大祥二十七月禫祭齋衰  
周年給暇三十日正服爲祖父母爲伯叔父  
及妻爲姑姊妹在室爲姊妹適人無夫子爲  
兄弟爲長子及妻爲衆子及女子爲姪及姪  
女在室爲嫡孫及嫡孫女爲嫡曾孫庶母爲  
其子及君之衆子降服父卒母嫁爲父後報



服亦如之義服嫁繼母爲子外族正服爲外  
祖父母義服爲繼母慈母義母長母爲妻大  
功九月給暇二十日長殤正服爲伯叔父及  
姑爲兄弟姊妹爲子及女子爲姪及姪女爲  
嫡孫成人正服爲堂兄弟爲堂姊妹在室爲  
衆子妻爲庶子及妻爲姪妻降服爲姑姊妹  
姪女適人外族正服爲舅爲姨在室小功五  
月給暇十五日正服爲曾祖父母爲伯叔祖  
父母爲從祖母在室爲堂伯叔及妻爲堂姑



在室爲兄弟妻爲再從兄弟爲再從姊妹在  
室爲堂姪及堂姪女爲嫡孫妻爲姪孫及姪  
孫女在室爲嫡曾孫妻殤正服爲伯叔父及  
姑之中殤爲兄弟姊妹之中殤爲子及女子  
姪及姪女之中殤爲嫡孫之中殤爲衆孫之  
長殤爲嫡曾孫之長殤降服爲堂姊妹適人  
外族正服爲舅妻爲外甥及外甥女在室義  
服爲妻父母爲女壻總麻三月給暇七日正  
服爲高祖父母爲堂伯叔祖父母爲再從伯



叔及妻爲再從姑爲堂兄弟妻爲親表兄弟  
及姊妹爲再從姪及姪女在室爲堂姪孫女  
爲曾孫女爲衆孫女爲曾姪孫爲嫡玄孫降  
服爲從祖母及堂姑適人爲再從姊妹及姪  
孫女適人殤正服爲伯叔父及姑之下殤爲  
堂叔堂姑之長殤爲兄弟姊妹之下殤爲堂  
兄弟姊妹之長殤爲子及女子姪及姪女之  
下殤爲嫡孫之下殤爲衆孫之中殤外族降  
服爲姨及外甥女適人正服爲堂舅爲舅姨



兄弟及姊妹爲外甥妻爲外孫義服爲庶母  
乳母凡五服聞喪給暇三分之二有剩日入  
暇限成宗四年初定此制十一年六月制六  
品以下不入常叅官父母喪百日後所司勸  
令出仕除起復銜以黻服要角遙謝行公十  
五年七月定朝官遭喪給暇式忌暇各三日  
每月朔望祭暇各一日大小祥祭暇各七日  
大祥後經六十日行禫祭暇五日 穆宗六  
年六月制五品以下官吏父母喪百日後所



司勸令出仕即上讓表不允遙謝後起復結

銜以黻服奕角出仕 顯宗九年五月制文

武官遭喪第十三月初忌日小祥齋給暇三

日其月晦日小祥祭給暇三日第二十五月

二忌日大祥齋給暇七日其月晦日大祥祭

給暇七日自翼日計六十日至二十七月晦

日禫祭給暇五日二十八月一日以吉服正

角出官行公十九年四月制京外官吏父母

喪大祥齋後禫暇前依前出仕 靖宗三年



正月制外任及東西兵馬官吏之妻在京身  
死令坊里報吏部除奏聞并行喪式限行移  
界兵馬使及界貧無事時則所管事體酌量  
許令上京以爲恒式又官吏及軍其人等有  
父母墳墓改葬者給假三十日來往程途其  
官遠近參酌施行六年八月制各道起復領  
軍貧當黥服者權著吉服正角還軍歸家依  
制黥服九年六月制罪不及孥前典彛訓誅  
殺人等無罪之子禮當行服其三年大喪依



制行服其他五服勿令給暇 文宗三年九月丙申制外方官吏遭兄弟姊妹喪者若在遠州除申請京官直於外官請暇妻父母服不論妻之先後並令給暇四年正月制外官父母在京身死除奏達許令上京軍興時則所管事體商量兼考兵馬使給暇移文酌量裁決其別命貧及隨使記事者亦依此例八年正月制防禦官父母喪百日已滿以吉服正角遙謝赴任二十二年十月制嫁母之喪



前式無服然人子不服其喪似忘劬勞膝下之恩自今行百日服後以吉服正角出仕三十年六月制先亡有後之妻及同居妻父母服制依式給暇三十三年八月制外任官大祥祭給暇外方立魂堂者許於魂堂在處行禮仍留行禫以吉服正角還任九月制奉使入朝官吏父母身死迴還後雖已過百日自聞喪日給暇百日三十五年二月制諸州縣長吏受武散階者小喪依制給暇以下以導



信義葬時給暇三十七年十二月制宮城內  
各衙門官吏黻服出入不合儀制凶服者不  
入公門之義宮城外官准資換任其不得已  
任宮城官者依書儀入朝但吉服之文入宮  
城吉服歸家依制行服 宣宗二年六月制  
異國投化官吏父母在本國身死自聞喪日  
依制給暇六年十二月制嫁母之服前制只  
給百日暇其餘心喪嫁母自有區別其大祥  
祭外任之子勿許上京 睿宗五年三月制



起復外官異朝使臣迎接者權著吉服正角  
仁宗十四年二月制同宗支子及遺棄小  
兒三歲前節付收養者爲收養父母並服三  
年喪遺棄小兒仍繼其姓同宗支子爲親父  
母期年異姓族人之子收養者服喪之制禮  
雖無據恩義俱重不可無服其令服大功九  
月四十九日 明宗十四年七月制文武入  
流以上者妻之父母依親伯叔之妻齊衰周  
年給暇二十日 忠烈王三年正月辛卯中



贊金方慶持妻母服命權宜後行宰相服制  
後行古無其例時軍國務繁始有是命七年  
四月庚午教士卒雖遭父母喪過五十日即  
從軍 恭愍王四年十二月辛未罷三年丁  
憂之制六年十月辛巳諫官李穡等請行三  
年喪從之八年十二月辛未以兵興除忽赤  
忠勇三都監五軍三年喪九年六月丁亥命  
百官親喪三年八月丙戌教四方兵興軍務  
方殷其除三年喪制前此雖許行三年喪然



百日衰經之習如舊但解官不仕而已 恭  
讓王三年五月庚子更定服制一遵 大明  
律服制式唯外祖父母妻父母服與親伯叔  
同無後者以三歲前遺棄小兒冒姓付籍者  
即同己子其以同宗之子親近爲先繼後者  
亦許行服三年之喪天下之通喪自今許終  
其制其中關係國家要務必合起復者啓聞  
取旨奪情起復大小軍官及不許丁憂者止  
行百日喪其父母喪二十五月內每月行朔



望祭至十三月初忌日行小祥祭二十五月  
第二忌日行大祥祭二十七月晦行禫祭二  
十八月一日始服吉服喪三年內不許娶婦  
及宴飲四年四月甲戌除軍官三年喪

百官忌暇

景宗六年十二月制父母忌日依書儀一日  
兩宵給暇 成宗元年十二月制百官遇父  
母忌給暇一日兩宵祖父母忌無親子則亦  
依父母例 顯宗十一年閏六月制無親子



祖父母忌日除庶人外文武入仕人並給暇  
一日兩宵 文宗三十年六月制先亡有後  
之妻及同居妻父母忌日依制給暇 明宗  
十四年七月制文武入流以上者妻父母忌  
日依外祖父母式一日兩宵給暇 恭讓王  
三年五月庚子教近設家廟既令六品以上  
祭三代自今許行曾祖考妣忌日之祭

重刑奏對儀

王便服出坐內殿南廊牽龍都知肅拜訖承



宣重房院房六局負次次肅拜閣門去靴笏

宣重房院房六局負次次肅拜閣門去靴笏

著絲鞋

侍臣皆同

入庭橫行自喝再拜行頭進步

復位各祇候後左邊立刑部奏對負省郎丹

筆負入庭舍人喝再拜出外祇候引宰臣樞

密至門執禮傳引就褥位立定執禮微喝再

拜執禮承傳云賜座執禮微喝再拜引上殿

坐東邊褥位茶房叅上負從夾戶入進茶內

侍七品負去蓋子執禮上殿前楹外面拜勸

茶放後下殿次院房八品以下進宰樞茶執



禮又上殿伏面請茶出次丹筆奏對貧入奏  
丹筆制斬決除入有人島畢後勸御藥及宰  
樞藥執禮引宰樞下庭褥位微喝再拜執禮  
承傳云宣賜酒果執禮微喝再拜引出奏對  
貧省郎丹筆貧入庭舍人喝再拜執禮承傳  
云宣賜酒果舍人喝再拜出次閣門橫行再  
拜執禮云侍奉貧將宣賜酒果舍人喝再拜  
執禮舍人皆再拜以次出

軍禮



遣將出征儀

遣將出征宜大社告太廟竝有司行事如奏  
告之儀出鉞還鉞王皆親告景靈殿前一日  
尚舍局設王座於大觀殿上如常儀設元帥  
副元帥褥位於殿庭中心北向守宮署設元  
帥副元帥次於殿門外朝堂其日依時刻仗  
衛入陳於殿庭如儀樞密及左右侍臣入就  
殿庭位元帥副元帥服戎服前一日有司奉  
宣賣征袍戎衣  
至尚書兵部准舊例頒賜率兵馬鈐轄以承  
元帥以下從軍文武負察制充



之及諸軍從事官俱詣殿門外重行北向立  
訖王服絳紗袍出生殿鳴鞭仗衛奏山呼再  
拜訖舍人喝樞密以下侍臣常起居訖閣門  
引宰臣入就位舍人喝宰臣再拜訖閣門引  
宰臣自東側階升殿近東西向北上立次引  
宰樞自西側階升殿近西東向北上立訖引  
元帥副元帥入殿庭就褥位北向立舍人喝  
元帥副元帥再拜閣門稱有勅舍人喝再拜  
躬聽口宣訖舍人喝元帥副元帥再拜閣門



引元帥自西階升殿進王座之右稟諸方略  
上將軍奉斧鉞詣王座右跪進王降座執斧  
鉞授元帥元帥跪受降自西階閣門引元帥  
副元帥由正門出郎將傳奉斧鉞在前先導  
閣門引兵馬鈐轄及諸軍使副判官以上入  
殿庭重行北向東上立舍人喝鈐轄以下再  
拜又再拜訖閣門引自西偏門出錄事以下  
於殿門外禮數如上儀王入內殿宰臣樞密  
以下左右侍臣及仗衛以次出元帥副元帥



出泰定門外樂作至兵部樂止鈐轄以下諸  
軍使副判官於階上俱重行再拜錄事以下  
階下祇揖吏拜訖便行師如軍令式

師還儀

師還前一日尚舍局設王座於大觀殿設元  
帥副元帥拜位於殿庭守宮署設元帥副元  
帥次於殿門外朝堂又於宿亭設元帥副元  
帥座於東邊筵伴宰臣座於西邊又設拜命  
褥位於庭中筵伴到宿亭閣門引元帥以下



出門相揖入門各就褥位鈐轄及諸軍使副  
判官錄事每等異位重行立定舍人喝元帥  
以下向闕再拜問聖體舍人喝元帥以下再  
拜筵伴口宣訖舍人喝元帥以下又再拜訖  
閣門引筵伴及元帥副元帥各從東西階升  
亭上就褥位立定執禮官交呈起居狀筵伴  
及元帥起居訖閣門引各就座赴勞宴禮畢  
閣門引筵伴及元帥副元帥以下降就庭中  
褥位舍人喝元帥以下再拜元帥奉謝表詣



筵伴前跪進筵伴小前接表俱退復位舍人  
喝元帥以下又再拜訖筵伴以表傳於持函  
持函者先出元帥及筵伴伴行出門相揖分  
位其日畫亭設筵伴公侯伯座於東邊元帥  
副元帥座於西邊其餘拜命勞宴附表禮數  
如上儀元帥勅所部兵衛鼓吹令押凱歌分  
左右二部以次陳列鼓吹振作至廣化門樂  
止依時刻禁衛入陳於殿庭如常儀樞密以  
下左右侍臣入就殿庭位元帥副元帥率諸



軍寮佐至殿門外閣門引元帥副元帥入次  
訖近臣奏外辦王服絳紗袍出坐殿禁衛奏  
山呼再拜舍人喝樞密以下侍臣常起居訖  
閣門引宰臣入就位舍人喝宰臣再拜訖閣  
門各引宰臣樞密自東西側階升殿就位立  
閣門引諸軍使副判官錄事諸領府郎將以  
上入殿庭每等異位重行立定閣門引元帥  
捧斧鉞入殿庭自西階升殿詣御座之右跪  
上斧鉞王降座執斧鉞傳授上將軍訖元帥



降自西階就拜位舍人喝元帥以下再拜閣  
門引出殿門外元帥副元帥及諸軍使副判  
官錄事從事官各服公服閣門分引元帥以  
下入就殿庭重行北向立定舍人喝元帥以  
下再拜舞蹈又再拜奏聖躬萬福舍人喝元  
帥以下再拜元帥出行致辭復位舍人喝元  
帥以下群官再拜舞蹈又再拜訖近臣承旨  
降自東階詣元帥東北向西向傳宣稱定難功  
業惟朕乃嘉元帥以下再拜舞蹈又再拜閣



門傳宣賜酒食舍人喝元帥以下再拜舞蹈  
又再拜訖閣門引元帥以下西出王入內殿  
宰臣樞密左右侍臣及仗衛以次退

睿宗二年十月壬寅命尹瓘爲元帥吳延寵  
副之往伐女真十二月朔壬午王御威鳳樓  
瓘延寵率三軍將士以次入庭拜訖賜鈇鉞  
遣之三年春瓘等平女真築六城立碑于公  
嶮鎮以爲界至四月己丑瓘延寵凱還命具  
鼓吹軍衛迎之遣帶方侯備齊安侯僭勞宴



於東郊瓘等詣景靈殿復命還鈇鉞王御文  
德殿引瓘延寵上殿問邊事未幾女真侵犯  
六城之地四年四月命副元帥吳延寵復征  
之戊寅延寵陞辭王詣景靈殿親授鈇鉞遣  
之仁宗十三年正月西京反命金富軾討  
之甲寅王御天福殿富軾以戎服入見命上  
陞親授鈇鉞遣之十四年二月戊午西京降  
四月庚子富軾凱還王詣景靈殿告平西賊  
賜富軾甲第一區高宗三年閏七月契丹



寇西北境轉掠州郡十月命叅知政事鄭叔  
瞻爲行營中軍元帥樞密院副使趙冲爲副  
往擊之十二月己未幸順天館御文德殿群  
臣入謁分立左右叔瞻冲以戎服率諸總管  
入庭行禮王親授鈇鉞遣之恭愍王五年  
五月遣評理印璫等往攻鴨江以西八站九  
月癸未以曲城伯廉悌臣爲都元帥刑部尚  
書柳淵等副之以備西北賜貂裘金帶授鉞  
遣之十三年二月戊戌西北面都元帥慶千



興都巡慰使崔瑩等郤德興兵凱還王命有司郊迓如迎賀儀十八年十一月辛未以守門下侍中李仁任爲西北面都統使賜大纛以遣之

救日月食儀

其日應陪侍群臣並玄冠素服伺候王素服出坐絞床承宣重房肅拜訖分立閣門入庭橫行再拜行頭進步復位揖左邊立祇候引樞密就褥位橫行立定舍人喝再拜訖分立



王入歇待時刻復出下殿立尚舍別監點香  
王拜禮後還上殿閣使承傳云賜樞密坐舍  
人喝再拜閣使又云賜侍奉貲將坐舍人喝  
再拜就坐敎食訖王下殿尚舍別監點香王  
拜禮訖還上殿入內 文宗元年二月乙亥  
朔日食御史臺奏舊制日月食太史局預奏  
告諭中外伐鼓於社上素欄避殿百官素服  
各守本局向日拱立以待明復今太史官昏  
迷天象不預聞奏請科罪從之



季冬大儺儀

大儺之禮前一日所司奏聞選人年十二以上十六以下爲假子著假面衣赤布袴褶二十四人爲一隊六人作一行凡二隊執事者十二人著赤幘襦衣執鞭工人二十二人其一方相氏著假面黃金四目蒙熊皮玄衣朱裳右執戈左執楯其一爲唱帥著假面皮衣執棒鼓角軍二十爲一隊執旗四人吹角四人持鼓十二人以逐惡鬼于禁中有司先於



儀鳳廣化朱雀迎秋長平門備設酒果饗物  
又爲瘞塼各於門之右方深稱其事前一日  
夕儺者各赴集所具其器服依次陳布以待  
事其日未明諸衛依時刻勒所部屯門列仗  
入陳於階下如常儀儺者各集於宮門外內  
侍詣王所御殿前奏儺子備請逐疫訖出命  
儺者以次入鼓譟以進方相氏執戈揚楮唱  
率儺子和曰甲作食殂赫胃食疫雄伯食魅  
騰簡食不祥覽諸食咎伯奇食夢強梁祖明



共食磔死寄生委隨食觀錯斷食巨窮奇騰  
根共食蠱凡使十二抻追惡鬼凶赫汝驅拉  
汝肝節解汝肌肉抽汝肺腸汝不急去後者  
爲糧周呼訖前後鼓譟而出諸隊各趣門以  
出出郭而止儼者將出大祝布神席當中門  
南向出訖齋郎陳神座籍以席北首齋郎酌  
酒大祝受而奠之祝史持版於座右跪讀祝  
文祭以大陰之神祝版以大祝名訖興奠版於席乃舉饗物  
并酒瘞於墻訖退



靖宗六年十一月戊寅詔曰朕即位以來心  
存好生欲使鳥獸昆虫咸被仁恩歲終儺禮  
磔五難以驅疫氣朕甚痛之可貸以他物司  
天臺奏瑞祥志云季冬之月命有司大儺旁  
磔土牛以送寒氣請造黃土牛四頭各長一  
尺高五寸以代磔雞從之 睿宗十一年十  
二月己丑大儺先是宦者分儺爲左右以求  
勝王又命親王分主之凡倡優雜伎以至外  
官遊妓無不被徵遠近至至旌旗亘路充斥



禁中是日諫官叩閣切諫乃命黜其尤恠者  
至晚復集王將觀樂左右紛然淨先呈伎無  
復條理更黜四百餘人

志卷第十八



初沁鎮鳳翔道將



正嘉靖...













海味